




玉函山房輯佚書

口 11
1236
37

冊七



1236

門 46811
1236
37



玉函山房輯佚書目

卷三十五

經編春秋類

春秋成長義

左氏膏肓釋癆 並服虔附解誼後

春秋釋例一卷 後漢穎容

左氏奇說一卷 後漢彭注

春秋左傳許氏注一卷 後漢許淑

春秋左氏傳章句一卷 魏董遇

春秋左傳王氏注一卷 魏王肅

玉函山房輯佚書目

姬嬭館補

春秋左傳嵇氏音一卷 魏嵇康

春秋穀梁傳麋氏注一卷 魏麋信

春秋公羊穀梁傳解詁一卷 晉劉兆

春秋左氏傳義注一卷 晉孫毓

春秋公羊穀梁二傳評一卷 晉江熙

春秋穀梁傳徐氏注一卷 晉徐乾

春秋土地名一卷 晉京相璠

春秋成長說

後漢 服虔 撰

昭公三十一年

經黑肱以濫來奔

公羊傳五分之然後受之邾婁本附庸三十里耳
而言五分之為六里國也 公羊傳徐彥疏
引服虔成長義

春秋左氏膏肓釋病

後漢 服虔 撰

襄公十一年

晉侯以樂之半賜魏絳

鄭氏箴膏肓曰大夫士無樂小胥云大夫判縣士
 特縣士特縣者小胥所云娛身之樂及治人之樂
 則有之也故鄉飲酒有工歌之樂是也說題辭云
 無樂者謂無祭祀之樂故特牲少牢無樂禮記檀弓上正義

釋痢曰漢家行大夫禮鼎俎籩豆工歌縣

後漢書禮儀志

劉昭注案漢志注引春秋釋痢不著左傳何章

余蕭客古經解鶴沉取屬賜魏絳下並以禮疏所

引鄭氏箴膏一節

係服諫後今依錄之

春秋釋例一卷後漢潁容撰容字子嚴陳國長平人

善左氏春秋師事太尉楊賜郡舉孝廉州辟公車徵

皆不就劉表以為太守不肯起後漢書儒林有傳傳

稱著春秋左氏條例五萬餘言隋志云春秋釋例十

卷唐志亦作潁容釋例七卷今佚輯錄二十七節杜

氏集解序云未有潁子嚴者雖淺近亦復名家其全

書體例不能詳考杜氏亦著釋例書名與潁氏同或

因其例而增修之與歷城馬國翰竹吾甫

春秋釋例

後漢 穎容 撰

隱公

元年

不書即位攝也

恩深不忍則傳言不稱恩淺可忍則傳言不書

達正義引 劉賈穎

桓公

五年

春秋釋例

龍見而雩

龍見卽是五月正義

莊公

二十有二年

有嬀之後

舜居西域本曰嬀汭

後漢書鄭宏傳注
平御覽卷一百六十八

二十有八年

凡邑有宗廟先君之主例都無曰邑邑曰築都曰城

凡邑則主爲邑言則他築非例也若築臺築圓築

王姬之館則皆稱爲築無大小之異正義

僖公

五年

公既視朔遂登觀臺

太廟有八名其體一也肅然清靜謂之清廟行禘

祫序昭穆謂之太廟告朔行政謂之明堂行饗射

養國老謂之辟廡古雲物望氣祥謂之靈臺其四

門之學謂之太學其中室謂之太室總謂之宮公

既視朔遂登觀臺以其言遂故謂之同處詩大雅
靈臺正義

義 舊唐書卷二十一引云明堂太廟凡有八名其體一也文苑英華卷七百六十二作凡有七名

二十有四年

畢

漢興博物洽聞著述之士前有司馬遷揚雄劉歆後有鄭眾賈逵班固近即馬融鄭元其所著作違義之正者遷尤多闕略舉一兩事以言之史記不識畢公文王之子而言與周同姓揚雄著法言不識六十四卦云所從來尚矣太平御覽卷六百二又卷六百十八二十有六年

凡師能左右之曰以

晉人執季孫以歸劉子單子以王猛居子皇尹氏毛伯以王子朝奔楚諸稱以皆小以大下以上非其宜也正義引劉賈穎許

文公

二年

不登于明堂

告朔行政謂之明堂

歐陽詢藝文類聚卷三十周八 徐堅初學記卷十三

公朝諸侯於明堂太廟與明堂一體也春秋人君

將出于宗廟及行策勳獻俘於廟

初學記卷十三

三年

凡民逃其上曰潰

舉國曰潰一邑曰叛

正義引賈頴

十年

楚子伐麇

麇在當陽

太平御覽卷一百六十七

宋白續通

也

十有八年

莒弒其君庶其

君惡及國朝則稱國以弒惡及國人則稱人以弒

正義引劉賈許頴

宣公

七年

凡師出與謀曰及

以經諸及字為義

同上

十有七年

凡稱弟皆母弟也

臣無竟外之交故去弟以貶季友子招樂憂故去

弟以懲過鄭段去弟唯以名稱故謂之貶正義又昭元年

正義

襄公

二十有一年

雖賤必書

再命稱人正義

二十有五年

齊人城邾穆叔如周賀

西城梁門枯水處世謂之死穀酈道元水經注卷十六

二十有九年

見舞大武者

周用六代之禮樂故有雲門咸池大韶大夏大濩

大武也魯受四代之禮樂故不舞雲門咸池示有

降殺也太平御覽卷五百六十五

三十有一年

使丐請命正義云晉未古木及釋例皆作丐俗本作句

昭公

八年

秋蒐于紅

蒐于紅不言大者言公大失權在三家也正義引劉賈頴

九年

配以五成今本作妃依頴氏引傳作配

五行生數未能變化各成其事水凝而未能流行火有形而未生炎光木精破而體剛金強而硤土鹵而斥於是天以五臨民君化之傳曰配以五成所以用五者天之中數也於是水得於五其數六

用能潤下火得於五其數七用能炎上木得於五其數八用能曲直金得於五其數九用能從草土得於五其數十用能稼穡蕭吉五行大義卷一

十有一年

大蒐于比蒲正義引劉賈頴

書大者言大衆盡在三家

二十有五年

用其五行氣爲五味凡五行相生謂異類相化如男女異姓能至繁殖

若以水濟水不生嘉味

五行大義卷二

發為五色

東方木木色青木尅於土土色黃以青加黃故為
綠綠為東方之間色也又南方火火色赤火尅金
金色白以赤加白故為紅紅為南方間也又西方
金金色白金尅木木色青以白加青故為碧碧為
西方間也又北方水水色黑水尅火火色赤以黑
加赤故為紫紫為北方間也又中央土土色黃土
尅水水色黑以黃加黑故為緇黃緇黃為中央間

也緇黃黃黑之色也

皇侃論語義疏卷五引頴子嚴

經有赤狄白

狄然則東青北黑中央黃皆正色也土戌畏於水
故以妹己妻甲以黃入於青故東方間色

五行大義卷三

二十有六年

使女寬守闕塞

闕者上有所失下得書之于闕所以求論譽于人

故謂之闕

水經注卷十六

定公

二年

春秋釋例

七 卿嬖館補校

吳子使舒鳩民誘楚人

舒有五名舒庸舒龍舒舒鳩舒城其實一也太平御覽

卷一百六十九

十有三年

晉趙鞅入于晉陽

趙簡子居晉陽至成公居邯鄲元和郡縣圖志卷十二

十有五年

冬城漆

漆有邾之舊廟正義

哀公

十有四年

西狩獲麟

孔子自衛反魯考正禮樂修春秋約以周禮三千

文成致麟麟感而至取龍為水物故以為修母致

子之應正義引賈逵服虔穎容等

左氏奇說一卷後漢彭汪撰汪字仲博汝南人見陸德明釋文及孔穎達正義釋文序錄云汝南彭汪字仲博記先師奇說及舊注春秋序正義云中興以後陳元鄭衆賈逵馬融延篤彭仲博許惠卿服虔穎容之徒皆傳左氏春秋隋唐志無彭汪著書之目正義引彭仲博二節亦不標其書名朱氏經義考載彭氏汪左氏奇說佚據錄一家存漢師之遺詁焉歷城馬國翰竹吾甫

左氏奇說

序

一 娜嬛館補校

左氏奇說

後漢 彭汪 撰

襄公

十有九年

齊慶封圍高唐弗克冬十一月齊侯見衛在城下號之乃下問守備焉以無備告揖之乃登

賈逵曰齊侯以衛告誠揖而禮之欲生之也衛志

於戰死故不順齊侯之揖而還登城杜預注 孔穎達正義云

杜於此說皆用賈逵之說齊欲誅衛呼而下與之言因可取之

左氏奇說

一 鄭媛傳補核

無為揖之復令登城仲博以為齊侯號衛慙而下
云問守備焉問衛之守高唐者衛無恩信故今守
者以無備告齊侯善其言故揖之乃命士卒登城
正義云服虔引彭仲博又云云服虔謂此說近之

昭公

二十有七年

母老子弱是無若我何

當言是無我若何我母無我當如何我字當在若

上正義引彭仲博

春秋左傳許氏注一卷後漢許淑撰淑字惠卿魏郡
人見孔穎達正義杜氏集解序云賈景伯父子許惠
卿皆先儒之美者也陸氏經典釋序錄載其左傳注
隋唐志皆不著錄卷亦不詳書佚已久從正義輯六
節皆與劉歆賈逵同說則杜茅所謂大體轉相祖述
者漢人篤守師法於此益信矣歷城馬國翰竹吾甫

春秋左傳許氏注

漢許淑撰

桓公

三年

有年

有年大有年有鸛鴈來巢諸言有皆不宜有之辭

也孔穎達正義引劉賈許

十有七年

癸巳葬蔡桓侯

春秋左傳許氏注

鄭媛館補校

桓卒而季歸無臣子之辭也蔡侯無子以弟承位羣臣無廢主社稷不乏祀故傳稱蔡人嘉之非貶所也杞伯稱子傳為三發蔡侯有貶傳亦宜說史書謬誤疑有闕文

正義引劉賈許

僖公

二十有六年

凡師能左右之曰以

晉人執季孫以歸劉子單子以王猛居于皇尹氏毛伯以王子朝奔楚諸稱以皆小以大下以上非

其宜也

正義引劉賈許

文公

十有八年

莒弑其君庶其

君惡及國朝則稱國以弑惡及國人則稱人以弑

正義引劉賈許

宣公

七年

凡師出與謀曰及

春秋左傳許氏注

鄭煥館補校

以經諸及字為義同

昭公

七年

暨齊平

燕與齊平正義

春秋左氏經傳章句一卷魏董遇撰遇有周易章句已著錄其為左氏章句隋志作春秋左氏傳唐志作左氏經傳並三十卷今佚輯得十節為帙其本字如昭六年士句作王正二十年專壹作搏壹二十三年伍候作五候之類多與杜異而同於賈服王肅則漢魏時古本足取正俗本之誤未可執後行之本以疑前儒也歷城馬國翰竹吾甫

春秋左氏經傳章句

魏董遇撰

襄公

二十有五年

自六正五吏三十帥

五吏謂一正有五吏為三十帥之長

孔穎達正義

二十有七年

以誣道蔽諸侯

陸德明釋文蔽服虔王肅董遇並作弊婢世反云蹄也正義云服虔曰蔽

蹄也一日罷也則知服本作弊王肅董遇本皆作蔽

春秋左氏經傳章句

娜嬛館補校

謂以誣人之道掩諸侯也正義引王肅董遇

二十有九年

齊人立敬仲之曾孫偃今本作鄒正義云董遇注作偃

昭公

六年

王正相士鞅釋文云古本士句或作王正董遇王肅本同正義云諸本及王肅董遇本皆作

王正俗本或誤為士句

七年

我先君共王今本作日我先君正義云董遇注無日字

十有三年

共養三德為善今本作供養正義云董遇注本作共養

盡共所以養成三德也正義

二十年

若琴瑟之搏壹釋文專如字董遇本作搏

搏音專交釋

二十有一年

于鱣御呂封人華豹正義云本或豹上有華字王肅董遇並云呂封人華豹

二十有三年

春秋左傳傳解詁

鄭煥館補校

明其五候

今本作伍候正義云賈服玉董並作五候

五候候四方及國中之姦謀者

正義

定公

五年

子西問高厚焉

問城高厚丈尺也本或有小大者涉下文而誤耳

正義

春秋左傳王氏注一卷魏王肅撰肅於易書詩禮皆有注其注春秋左氏傳隋唐志並三十卷今佚輯錄一帙肅父朗有傳注十二卷隋志別載之似肅因父書增多十八卷故兩注並行於代其本字往往與杜氏殊異村集解非一家則異字或繇杜而改哀六年引夏書惟彼陶唐六句以為太康時與孔傳合正義疑肅見古文匿之而不言良是也歷城馬國翰竹吾甫

春秋左傳王氏注

魏王肅撰

隱公

元年

都城過百雉

雉長三丈孔穎達正義引城高一丈曰堵三堵曰

雉廣韻上聲五旨雉字注引王肅云

桓公

二年

春秋左傳王氏注

娜嬛館補校

大路越席

不緣也 史記禮書
裴駟集解

六年

卜士接之

接待夫人以太牢 禮記內則正義
引王肅杜預

十有八年

公謫之

謫工革反 陸德明
釋文

莊公

八年

連稱有從妹在公宮無寵使問公

候公之間隙 史記齊世家
家集解

閔公

元年

為吳太伯不亦可乎

太伯知天命在王季奔吳不反 史記晉世家
家集解

猶有令名與其及也

雖去猶可有令名何與其坐而及禍也 同上

春秋左傳注疏

鄭康成注疏

二年

吉禘于莊公

二十五日除喪即得行禘祭穀梁傳楊士勛疏引王肅杜預

於渭汭

汭入也胡三省通鑑音注卷八十九

僖公

十有五年

箕子曰其後必大

箕子紂之諸父正義史記宋世家司馬貞索隱云馬融王肅皆以為諸父

二十有七年

作三軍

始復成國之禮半周軍也史記晉世家集解

文公

二十

襄仲如齊納幣禮也

二十五日禫除喪畢禮記檀弓上正義

七年

不才吾唯子之怨

怨其教導不至也史記晉世家集解

十有八年

使主后土

君治九土之宜史記五帝紀集解

宣公

二年

文馬百駟

文馬畫馬也史記宋世家集解

二年

載祀六百

載祀者猶言年也史記楚世家集解

以是為而子

以是蘭也而為汝子之名史記鄭世家集解

襄公

九年

今司宮巷伯儆宮

今後宮稱永巷者宮內道名伯長也是宮內是巷

門巷之長也正義

相土因之

契孫相土居商邱故湯因以為國號詩商頌譜正義

十有四年

君義嗣也

義宜也嫡子嗣國得禮之宜史記吳世家集解

二十有六年

釁於勇

釁謂自矜奮以夸人正義

二十有七年

以誣道蔽諸侯

釋文云蔽服虔王肅董遇並作樊婢世反云路也正義云服虔曰蔽路也

一曰罷也則知服本作樊王肅董遇本作蔽
謂以誣人之道掩諸侯也正義引王肅董遇

二十有八年

君國事大國

釋文云君小國事大國古本無小字正義云晉宋古本及王肅注其文皆如此

君國謂為國君言其為君之難也正義

舍不為壇

壇除地坦坦者

同上

二十有九年

始基之矣

言始造王基也史記吳世家集解

怨而不言

非不能言畏罪咎也

猶燕之巢於幕上

言至危並同上

三十年

穆叔問王子之為政釋文問王子之為政一本作問王子圍之為政服虔士嘯本

王子楚令尹圍也正義

吏走問諸朝

吏不知歷者同上

三十有一年

以羸諸侯

羸讀為盈受也正義云賈服王杜皆讀羸為盈故皆訓為受

昭公

六年

王正相士鞅釋文云古本土句或作王正董遇王肅本同長正義云諸木及王肅董遇本皆

作王正俗本或誤為士

或誤為士

六鄭娘館補校

七年

聖人有明德者若不當世

謂若弗父何殷湯之後而不繼世為宋君也史記孔子

世家集解

十有三年

申之會越大夫戮焉

越大夫常壽過也申之會經書淮夷而不書越者以常壽有罪不得列會故不書越也戮者陳其罪惡以徇諸軍言將殺之終亦不殺過至今在楚故

怨而作亂

正義

鄭伯男也而使從公侯之貢

鄭伯爵而連男言之猶言公侯足句辭也同上

十有七年

天子失官學在四夷

鄭中國也故吳伐鄭季文子歎曰中國不振旅蠻夷入伐吾亡無日矣孔子稱學在四夷疾時廢也鄭少皞之後以其世則遠以其國則小矣魯周公之後以其世則近以其國則大矣然其禮不如鄭

春秋左傳注

七鄭館補校

故孔子發此言也失官為所居之官不修其職也

仲尼學樂於萇宏問官於鄒子是聖人無常師正義

二十有一年

干讎御呂封人華豹正義云本或豹上有華王肅董遇並云呂封人華豹

二十有三年

明其五候今本作伍候正義云賈服王董並作五候

五侯山候林候澤候川候平地候也正義

二十有六年

昔文武克殷今本作昔武王克殷正義云殷度王肅並注云云下句云吾無專享文武之功

則文武是也

文王受命武王伐紂故云文武克殷正義引服虔王肅

咸黜不端

咸皆也正義

玩求無度正義云俗本作規服王孫皆注云玩貪也元年傳曰玩歲而愒日杜云翫渴皆貪也

則此言貪求無限度本或作規諺也

玩貪也正義引服王孫

二十有七年

季子雖至

春秋左傳王氏注

聘晉還至也史記吳世家集解

老母子弱

專諸言王母老子弱同上

三十有一年

季孫練冠麻衣跣行

示憂感史記魯世家集解

定公

五年

城不知高厚斷句小大何知

如是小大何所知也正義

十年

且犧象嘉樂

犧音義毛詩釋文犧尊象尊為牛象之形背上負尊同上

哀公

元年

昔有過澆殺斟灌以伐斟鄩滅夏后相

滅殺也古者滅殺尊卑同名其意言殺其君而滅

其國正義

少康為有仍牧正

牧正牧官之長也

史記吳世家集解

六年

夏書曰惟彼陶唐帥彼天常有此冀方今失其行亂其紀綱乃滅而亡

太康時也

正義

七年

大伯端委

端委委貌之冠元端之衣也

正義 穀梁傳僖三年疏

十有一年

猶獲石田也

石田不可耕

史記吳世家集解

十有四年

叔孫氏之車子鉏商獲麟

車士將車者也子姓鉏商名

正義

十有五年

必或繼之

必有繼續其後攻太子

史記衛世家集解

十有六年

夏四月己丑孔丘卒公誅之曰旻天不弔不憇遺一老

弔善也憇且也一老謂孔子也

史記孔子世家集解

俾屏余一人以在位煢煢余在疚

疚病也

嗚呼哀哉尼父母自律

父丈夫之顯稱也律法也言母以自為法也

並同上

春秋左氏傳稽氏音一卷魏嵇康撰康字叔夜譙國

銍人本姓奚自會稽徙譙之銍縣嵇山家于側遂氏

焉拜中散大夫事蹟具晉書本傳隋志有春秋左氏

傳音三卷唐志不著錄佚已久陸德明釋文引五節

史記索隱引一節並據採輯如戮音留鸛鶴音權

從公羊作鸛今雖不用而古調獨彈比於廣陵散云

歷城馬國翰竹吾甫

春秋左氏傳稽氏音

魏 稽康 撰

桓公

九年

以戰而北

北音胷背 陸德明釋文

成公

十有三年

相好戮力同心

春秋左氏傳

婦嬭館補校

戮力幽反釋文音留宋庠國語補音卷一

文公

十有四年

有星孛入于北斗

孛音渤海字

公羊傳曰孛者何彗星也彗似歲反一音雖遂反

襄公

九年

棄位而嬖

狡音效釋文

昭公

二十有一年

乃徇曰揚徽者公徒也

徽幟也幟音式史記高祖本紀旗幟皆赤司馬貞索隱引稽康攷左氏傳不見幟

字惟揚徽杜預注徽識也釋文云識本又作幟申志反又音昌志反一音式後音正與稽合稽在杜

前不應為杜注作音案杜注稱集解則此必用賈服諸儒舊說稽自音舊注耳

十有五年

有鸚鵡來巢

春秋稽氏音

姬嬖館補

鸛音權

釋文引稽康音○案釋文又云公羊傳作鸛音權是稽從公羊讀也

三十五卷三十四

春秋穀梁傳糜氏注一卷魏糜信撰信字南山東海人官樂平太守見經典釋文序錄隋志云魏樂平太守糜信楊士勛疏引或作糜信禮記正義引其說反舌事文作糜信當依釋文隋志作糜信冊府元龜糜信外復出康信太平御覽引穀梁注作庾信並誤也其注春秋穀梁傳隋唐志並十二卷隋志又有春秋說要十卷唐志作左氏傳說要卷數同冊府元龜云春秋要一卷隋志又有糜信理何氏漢議二卷魏人撰唐志作春秋漢議十卷糜信注鄭氏駁釋文有穀

梁音今並佚從揚疏釋文及御覽輯錄為卷如討作
糾蒐作搜射作亦鍾作童宮作官本多異字五麾五
兵五鼓說同徐邈皆必有所承受惜不可考已歷城
馬國翰竹吾甫

春秋穀梁傳糜氏注

魏 糜信 撰

穀梁與孝公同時 陸德明釋文

隱公

元年

聘弓鏃矢不出竟場

聘問也古者以弓矢相聘問故左傳云楚子問郤

至以弓 楊士疏

公子益師卒傳大夫日卒正也不日卒惡也

益師不能防微杜漸使桓弑隱若益師能以正道
輔隱則君無推國之意桓無篡弑之情

二年

伯姬歸于紀此其如專行之辭何也曰非專行也吾
伯姬歸于紀故志之也其不言使何也逆之道微無
足道焉爾

不稱使者似若專行也謂決魯夫人至并稱逆者
此直云伯姬歸故問之下云吾伯姬歸故志之也
明佗逆者不足錄故與內夫人至異也並同上

三年

吐者外壤食者內壤

齊魯之間謂鑿地出土鼠作穴出土皆曰塲或當
字從塲同上據汲古閣疏本塲皆

七年

戎者衛也

不言夷狄獨言戎者因衛有戎邑故也楊疏

九年

俠卒傳俠者所俠也

春秋穀梁傳卷之三十六

鄭媛館補校

所非氏所謂斥也同上

桓公

元年

鄭伯以璧假許田

鄭以祊不足當計田故復加璧史記鄭世家
裴駢集解

二年

何以知其先殺孔父也曰子既死父不忍稱其名以是知君之累之

累者從也謂孔父先死殤公從後被弑楊疏

三年

以是為討之鼎也

討或作糾釋文

四年

秋曰搜釋文蒐所由反糜氏本作搜音同

搜所由反釋文

五年

秋蔡人衛人陳人從王伐鄭傳舉從者之辭也

舉從者之辭謂解經稱人也楊疏

鄭同姓之國也在乎冀州

鄭在冀州者韓哀侯滅鄭遂都之韓故晉也傳以

當時言之遂云冀州楊疏釋文引云韓侯滅鄭韓都冀州故以目鄭

九年

冬曹伯使其世子亦姑來朝釋文射姑音亦糜氏本即作亦

言使非正也

禮諸侯嫡誓於天子攝其君則下其君一等未誓

則以玉帛繼子男此為同急王命也至於相朝非

急會今曹伯有不朝魯未為有闕命使世子攝朝

言非禮之政太平御覽卷一百四十七引庾信案庾為糜字之訛

以內為失正矣

丙魯

丙失正曹失正

言二者俱失之並同上

則是放命也今注疏本作故命御覽引傳及注並作放唐石經同

放違也言世子違命而止是當不義則爭之上同

十有一年

公會宋公于夫童釋文糜氏本鍾作童

春秋設經傳卷五

婢娛節補校

童音鐘釋文

十有二年

十有二月及鄭師伐宋丁未戰于宋傳非與所與伐戰也

此傳解經書下口之意也非責魯言責魯又與其所以與伐者戰也謂還與鄭戰楊疏

十有四年

甸粟而內之三宮三宮米而藏之御廩釋文三宮廩氏宮作宮莊公

十有四年

秋七月荆入蔡傳荆者楚也其曰荆何也州舉之也楚子貪淫為息媯滅蔡故州舉之楊疏

二十有三年

大夫倉士黈

黈張斗反釋文

二十有五年

天子救日置五麾陳五兵五鼓

五麾者各以方色之旌置之五處也楊疏五兵者矛

春秋段公傳卷之三

楊疏補校

在東戟在南鉞在西楯在北弓矢在中同上引徐邈云糜信

與范數五兵與之同五鼓者東方青鼓南方赤鼓西方白鼓

北方黑鼓中央黃鼓同上引糜信徐邈

二十有八年

一年不艾而百姓饑

艾穫也楊疏

三十有一年

齊侯來獻捷者內齊侯也

言內齊侯者解經稱來之意也同上

僖公

二年

不雨者勤雨也

勤音覲後年同釋文憂也丁度集韻去聲二十三稔勤謹字注

十有四年

冬蔡侯昫卒

蔡侯昫父哀侯為楚所執昫不附中國而常事父

讐故惡之而不書日也楊疏

二十有二年

司馬子反曰楚眾我少鼓險而擊之勝無幸焉

子反當為子夷同上

文公

二年

丁丑作僖公主傳作為也為僖公主也

衛次仲云宗廟皆用栗右主八寸左主七寸廣厚

三寸若祭訖則內於西壁墁中去地一尺六寸右

主謂父也左主謂母也

楊疏

宣公

十有一年

納公孫寧儀行父于陳傳納者內弗受也輔人之不能民而討猶可

二子不繫陳者以其淫亂明絕之也同上

成公

元年

無冰傳終時無冰則志此未終時而言無冰何也終無冰矣加之寒之辭也

十二月最是寒盛之時故特於此月書之

楊疏引
糜信徐

邈

襄公

二十有七年

織絢邯鄲終身不言

絢者著履舄之頭卽周禮之絢纒及純是也楊疏

昭公

八年春陳侯之弟招殺陳世子偃師

招成公子偃師襄公子所謂悼太子者也哀公愛

其世子留托之招哀公有疾招殺太子偃師而立

留 太平御覽卷一百四十七
引連曹世子節誤作庚信

傳鄉曰陳公子招

招發於十年矣

今日陳侯之弟招何也曰盡其親所以惡招也

謂稱公子又稱弟昭先君之公子今君之母弟也

親而殺之惡也

惡哀公使招至於殺之並同上

十有一年

晉伐鮮虞傳其日晉狄之也其狄之何也不正其與

夷狄交伐中國故狄稱之也

夷狄交伐謂楚伐徐晉伐鮮虞是也楊疏

春秋公羊穀梁傳解詁一卷晉劉兆撰兆字延世濟南東平人博學洽聞温篤善誘武帝時五辟公府三徵博士皆不就晉書儒林有傳楊士勛穀梁傳序疏數注穀梁者十餘家有劉瑤盧抱經以為即劉兆也傳載其著述有春秋調人七萬餘言又為春秋左氏解名曰全綜公羊穀梁解詁皆納經傳中朱書以別之隋志惟以春秋公羊穀梁傳十二卷著錄唐志作春秋三傳集解十一卷蓋合全綜為一書而復少一卷也今佚輯錄十節皆訓公穀之義與今本文異者

足資參考其解左及調人泯絕不可復覩令人悵悵
爾歷城焉國翰竹吾甫

春秋公羊穀梁傳解詁

晉 劉兆 撰

公羊傳

莊公

四年

紀侯譖之

旁言曰譖

文選韋孟譏諫詩李善注

十有三年

曹子標劍而去之

春秋公羊穀梁傳解詁

鄭媛館補校

注標辟也辟捐也辟也婢亦反陸德明釋文文選袁陽源傲曹子

建白馬篇注

僖公

四年

卒貼荆

貼服也釋文帖他協反一本作貼服也劉兆同

八年

蓋憊于齊媵女之先至者也今本作脅依注作憊

憊畏迫也釋元應疏璃王經音義

哀公

十有四年

有麋而角者今本作麋依注作麋

麋麇也文選鮑明遠燕城賦注

穀梁傳

文公

九年

舉天下而葬一人

舉盡也文選孫興公遊天台山賦注又李少卿答蘇武書注

春秋左傳卷四十五

嬀嬀館補校

襄公

二十有四年

一穀不升謂之慊今本作慊依注作慊

慊不足也文選陸士衡辨亡論注

昭公

八年

流旁握御輦者不得入

輦釋文詩釋文

二十年

齊謂之綦楚謂之跣衛謂之繫今本作衛謂之輒依注作繫

綦連併也跣聚合不解也繫如見絆繫也釋文

定公

九年

得之堤下

堤緣邊也顧野王玉篇土部

春秋左氏傳義注一卷晉孫毓撰毓有毛詩異同評已著錄其作春秋左氏傳義注隋志十八卷唐志三十卷又有春秋左氏傳賈服異同略隋唐志並五卷今皆佚輯錄八節如周之宗盟據宗伯盟詛之辭以服氏同宗解爲不然王室之不壞服本作懷孫依賈作壞亦不取服氏似義注及賈服異同略二書大旨申賈而駁服蓋服虔注受於鄭康成而王肅說多主賈達孫朋於王猶評詩之見也歷城馬國翰竹吾甫

春秋左氏傳義注

晉 孫毓 撰

隱公

十有一年

周之宗盟異姓為後

宗伯屬官掌作盟詛之辭故曰宗盟服云同宗之
盟同宗之盟則無與於異姓何論先後若通共同
盟則何稱於宗斯不然矣

孔穎達
正義

襄公

春秋左氏傳義注

知禮館補校

十有四年

王室之不壞

服虔本壞作懷案舊本及賈氏皆作壞

正義服虔句據正

補義

二十有五年

數疆潦

正義引孫毓讀為疆潦

疆潦砂礫之田也

正義

昭公

十有七年

今茲火出而章必火入而伏

賈氏舊文無重火字

正義

二十有一年

而不能送亡君請待之

君下屬

正義

二十有六年

玩求無度

正義云俗本作覓服王孫皆注云玩貪也元年傳曰玩歲而偈口杜云所偈皆貪也

皆此言貪求無度本或作規謬也

玩貪也

正義引服王孫

春秋左傳句解

三十五卷四十九

哀公

六年

夏書曰惟彼陶唐帥彼天常有此冀方今失其行亂其紀綱乃滅而亡

逸書夏桀之時

正義引賈服孫杜

十年

吳延州來季子救陳

季子食邑於州來世稱延州來季子猶趙氏世稱趙孟知氏世稱知伯延州來季子或是札之子與

孫也

正義

春秋公羊穀梁二傳評一卷晉江熙撰熙字太和官
至兖州別駕見冊府元龜隋志此書三卷不著名氏
唐志題江熙玉海云公穀二傳評今佚范甯注引十
九節據輯按范序云先君北蕃迴軫頓駕于吳乃紳
門生故吏我兄弟子姪研講六籍次及三傳又云釋
穀梁者近十家皆膚淺末學不經師匠楊士勛疏門
生同門後生故吏謂昔日君臣江徐之屬是也又解
十家有江熙熙評二傳非專釋穀梁且范解亟取其
說而無所斥駁所謂與二三學士及諸子弟各記所

識并言其意當不在十家之內也歷城馬國翰竹吾南

[Faint bleed-through text from the reverse side of the page]

春秋公羊穀梁二傳評

桓公 二年 晉 江熙 撰

二年

三月公會齊侯陳侯鄭伯于稷以成宋亂傳以者內為志焉爾公為志序成是亂也此成矣取不成事之辭而加之焉於內之惡而君子無道焉爾

春秋親尊皆諱蓋患惡之不可掩豈當取不成事之辭以加君父之惡乎案宣四年公及齊侯平莒

及郟傳曰平者成也然則成亦平也公與齊陳鄭
欲平宋亂而取其賂鼎不能平亂故書成宋亂取
郟大鼎納于太廟微旨見矣尋理推經傳似失之

范甯
集解

三年

是必一人先其以相言之何也不以齊侯命衛侯也
夫相與親比非一人之德是以同聲相應同氣相
求齊衛胥盟雖有先倡倡和理均若以齊命衛則
功歸于齊以衛命齊則齊僅隨從言其相命則混

然無際矣同上

莊公

三年

五月葬桓王傳曰改葬也改葬之禮總舉下緇也

葬稱公舉五等之上改葬禮總舉五服之下以喪

緇貌遠也天子諸侯易服而葬以為交於神明者

不可以純凶況其緇者乎是故改葬之禮其服唯

輕言緇釋所以總也集解 札佑通典卷一百二
引作薨稱公改葬下有之字

易服而葬下有之禮二字交上有其字神
明者下有也字末句作言緇所以釋總

春秋左傳卷五十三

二 鄭媛館補校

八年

善為國者不師

鄰國望我歡若親戚何師之為集解

善師者不陳

上兵伐謀何乃至陳

善戰者不死

辟實攻虛則不死

善死者不亡

見危授命義存君親雖沒猶存並同上

十有二年春王三月紀叔姬歸于鄆傳國而曰歸此邑也其曰歸何也吾女也失國喜得其所故言歸焉爾

四年齊滅紀紀不言滅而言大去者義有所見爾則國滅也叔姬來歸不書非歸寧且非大歸也叔姬守節積有年矣紀季雖以鄆入于齊不敢懷貳然襄公豺狼未可閻信桓公既立德行方宣於天下是以叔姬歸于鄆魯喜其女得申其志集解公羊傳徐彥疏引云叔姬來歸不書非歸寧且非出婦又引云紀季有鄆入于齊餘並同

二十有一年

秋七月戊戌夫人姜氏薨傳婦人弗目也

文姜有弑君之逆而弗目其罪

集解

閔公

二年

冬齊高子來盟傳其曰來喜之也其曰高子貴之也盟立僖公也不言使何也不以齊侯使高子也

魯頻弑君僖公非正也桓公遣高偃立僖公以存魯魯人德之不名其使以貴之貴其使則其主重

矣集解

僖公

元年

公之友謂莒挈曰吾二人不相說士卒何罪屏左右而相搏公子友處下左右曰孟勞孟勞者魯之寶刀也公子友以殺之

經書敗莒師而傳云二人相搏則師不戰何以得敗理自不通也夫王赫斯怒貴在爰整子所慎三戰居其一季友令德之人豈當舍三軍之整佻身

春秋左傳卷五十五

四鄉煖館補校

獨鬪潛刃相害以決勝負者哉雖千載之事難明然風味之所期古猶今也此又事之不然傳或失之集解

四年

齊人執袁濤塗傳齊人者齊侯也其人之何也於是哆然外齊侯也不正其踰國而執之也

踰國謂踰陳而執陳太夫主人之不敬客繇客之先不敬主人哆然衆有不服之心故春秋因而譏之所謂以萬物為心也莊十七年齊人執鄭詹傳

與其執者詹奔在齊因執之

五年

冬晉人執虞公

春秋有州公郭公虞公凡三公非爵也傳以為下執之辭嘗試因此論之五等諸侯民皆稱曰公存有王爵之限沒則申其臣民之稱州公舍其國故先書州公郭公盜而歸曹故先名而後稱郭公夏陽亡則虞為滅國故宜稱虞公三公殊而一致三公外而同歸生死齊稱蓋春秋所賤

二十有四年

冬天王出居于鄭傳天子無出出失天下也

天子必巡守然後行故河陽之守全天王之行也
平王東遷其詩不能復雅而列為國風襄王奔鄭
不得全天子之行則與諸侯不異故書出也夫子
祖述堯舜憲意文武斯文是作不以道假人傳言
天下闕然如有未備

二十有七年

冬楚人陳侯蔡侯鄭伯許男圍宋傳楚人者楚子也

其曰人何也人楚子所以人諸侯也其人諸侯何也
不正其信夷狄而伐中國也

夫屈信理對言信必有屈也宋楚戰于泓宋以信
義而敗宋有闕也楚復圍之我三人行必有我師
諸侯不能以義相師反信楚之曲屈宋之直是義
所不取信曲屈直猶不可況乃華夷乎楚以亡義
見貶則諸侯之不從不待貶而自見也然則四國
信楚而屈宋春秋屈其信而信其屈則楚子于兵
首則彼碌碌者以類見矣故曰人楚子所以人諸

侯並同

成公

八年

衛人來媵傳媵淺事也不志此其志何也以伯姬之不得其所故盡其事也

共公之葬絲伯姬則共公是失德者也傷伯姬賢而嫁不得其所集解

哀公

二年

晉趙鞅帥師納衛世子蒯聵于戚

鄭世子忽反正有明文子糾但於公子為貴非世

子也集解

傳納者內弗受也帥師而後納者有伐也何用弗受也以輒不受也以輒不受父之命受之王父也信父而辭王父則是不尊王父也其弗受以尊王父也

齊景公廢世子世子還國書纂若靈公廢蒯聵立輒則蒯聵不得復稱曩曰世子也稱蒯聵為世子則靈公不命輒審矣此矛盾之喻也然則從王父

之言傳似失矣經云納衛世子鄭世子忽復歸子鄭稱世子明正也明正則拒之者非邪

三年春齊國夏衛石曼姑帥師圍戚傳此衛事也其先國夏何也子不圍父也不繫戚於衛者子不有父也

國夏首兵則應言衛戚今不言者辟子有父也子有父者戚繫衛則為大夫屬于衛子圍父者論人倫之道絕故以齊首之並同上

春秋穀梁傳徐氏注一卷晉徐乾撰乾字文祚東莞人官給事中見經典釋文序錄隋志云梁有春秋穀梁傳十三卷晉給事郎徐乾注亡唐志復以十三卷著錄今佚范注引六節楊疏引一節據輯研究書法日與不日之例全書之旨概可知矣歷城馬國翰竹吾甫

春秋穀梁傳徐氏注

晉 徐乾 撰

桓公

十年春王正月庚申曹伯終生卒傳桓無王其曰王何也正終生之卒也

與夷見弒恐正卒不明故復明之 范甯集解

莊公

六年春王二月壬子突救衛傳王人卑者也稱名貴之也

春秋穀梁傳徐氏注

娜嬛館補校

王人者卑者之稱也當直稱王人而已今以其能

奉天子之命救衛而拒諸侯故加名以貴之僖八

年公會王人齊侯是卑者之常稱同上

二十有四年

赤歸于曹郭公

不言郭公疑是魯之微者楊士勛疏

傳赤蓋郭公也何為名也禮諸侯無外歸之義外歸

非正也

郭公郭國之君也名赤蓋不能治其國舍而歸于

曹君為社稷之主承宗廟之重不能安之而外歸

他國故但書名以罪而懲之不直言赤復云郭公

者恐不知赤者是誰將若魯之微者故也以郭公

著上者則是諸侯失國之例是無以見微之義集解

文公

元年

冬十月丁未楚世子商臣弑其君髡傳日髡之卒所

以謹商臣之弑也夷狄不言正不正

中國君卒正者例日篡立不正者不日夷狄君卒

皆略而不日所以殊夷夏也今書日謹識商臣之

大逆爾不以明髡正與不正同上

襄公

三十年

夏四月蔡世子般弑其君固傳其不日子奪父政是謂夷之

凡中國君正卒皆書日以錄之夷狄君卒皆不以日略之所以別中國與夷狄夷狄弑君而日者閔其為惡之甚謹而錄之中國君卒例日不以弑與

不弑也至于卒而不日者乃所以略之與夷狄同

例同上

哀公

七年

春秋有臨天下之言焉

臨者撫有之也王者無外以天下為家盡其有也同上

春秋土地名一卷晉京相璠撰璠字爵里無攷酈道
元水經注云京相璠與裴司空彥季修晉輿地圖作
春秋地名隋志春秋土地名三卷晉裴秀客京相璠
等撰云京相璠等則非出璠一人之手以之爲主故
題璠名唐志直題京相璠卷同今佚水經注引百餘
則初學記亦引之哀錄爲帙如釋垂郊在高都中人
在望都酈一以爲疎遠未足爲證一以爲未詳似亦
不免舛失然如前城柏舉焦瑕窮養杜氏所闕此能
確切指言之則博洽足稱也歷城馬國翰竹吾甫

春秋土地名
 隱公
 元年
 為之請制
 制鄭地
 至干廩延
 長社北界有稟水
 二年

春秋土地名

晉 京相璠 撰

隱公

元年

為之請制

制鄭地

酈道元水經注卷二十二

至干廩延

長社北界有稟水

水經注卷二十二

二年

春秋土地名

一 鄒 媛 館 補 校

莒人入向

向沛國縣今並屬譙國龍亢也

水經注卷二十三

三年

盟于石門

石門齊地今濟北盧縣故城西南六十里有故石

門去水三百步

水經注卷八

四年

公及宋公遇于清

今濟北東阿東北四十里有故清亭即春秋所謂

清者也

同上

五年

衛師入郕

東郡廩丘縣南三十里有故郕都

水經注卷二十四

圍長葛

長社縣北有長葛鄉

水經注卷二十二引京杜

七年

戎伐凡伯于楚邱以歸

今濮陽城西南十五里有沮邱城六國時沮楚同

春秋土地名

二 鄭館補校

音以為楚邱非也水經注卷二十四

八年

遇于垂

今濟陰句陽縣小城陽東五里有故垂亭同上

十有一年

公會鄭伯于時來

今滎陽東四十里有故釐城水經注卷七

向

或云今河內軹西有地名向今無水經注卷七疑為蘇

城羅泌路史國名記甲引云河南軹西有向而無城下有此句

贖

河內修武縣北有故贖城實中今世俗謂之皮垣

方四百步實中高八丈際陂北隔水一十五里俗

所謂蘭邱也方二百步西一十里又有一邱際山

世謂之勅邱形狀相類疑即古攢茅也水經注卷九

桓公

十年

令盜待諸莘

春秋上也

今平陽陽平縣北一十里有故莘亭道阨限蹊要

自衛適齊之道也水經注卷五

莊公

八年

戊葵邱

齊西五十里有葵邱地水經注卷二十六

遂田于貝邱

博昌縣南近繩水有地名貝邱在齊城西北四十

里同上 又卷五引京相璠杜預並云貝邱在博昌

九年

戰于乾時

今樂安博昌縣南界有時水西通濟其上源出盤

陽北至高苑下有死時中無水水經注卷二十四

浚洙

洙水在魯城北浚深之為齊備水經注卷二十五

十有三年

齊人滅遂

遂在蛇邱東北十里水經注卷二十四

十有四年

及大陵

潁川臨潁縣東北二十五里有故巨陵亭古大陵

也水經注卷二十二

十有八年

公追戎于濟西

濟水自距野至濟北水經注卷八

二十有八年

築郕

公羊傳謂之微在東平壽張縣西北三十里有故

微鄉魯邑也同微子國路史國名紀丁羅莘注

鄭人將奔桐邱

今圖無而桐邱城見存西南去許昌故城可三十

五里水經注卷二十五

閔公

二年

及狄人戰于滎澤

滎澤在滎陽縣東南與濟隧合水經注卷七

春秋土地名

五嬭媛館補校

僖公

四年

北至於無棣

舊說無棣在遼西孤縣水經注卷九

九年

諸侯盟于葵邱

葵邱地名今鄴西臺是也水經注卷十河內山陽

西北六十里有郟城水經注卷九

二十有一年

須句

須朐一國二城兩名蓋遷都須昌朐是其本水經注卷

八路史後紀卷一引首句

二十有三年

盟于鹿上

濟陰乘氏縣有鹿乘鄉水經注卷一引郡國志云

出於五鹿

今衛國縣西北三十里有五鹿地水經注卷五

二十有四年

春秋地名

六 鄉 壤 節 補 校

入桑泉取曰衰

桑泉曰衰並在解東南

水經注卷六

雍

今河內出山陽西有故雍城

水經注卷九

邠

今野王西北三十里有故邠城邠臺是也今故城

當太行南路道出其中漢武帝封李壽為侯國

又有亭在臺西南三十里

同上

召穆公

召亭在周城南五十里

水經注卷十七

甘昭公

或曰甘水西山上夷汙而平有故甘城在河南城

西二十五里

水經注卷十六

今河南河南縣有甘水北入

洛

同上

及坎埴

鞏東地名坎埴在洞水東

水經注卷十五

二十有五年

殺之於隰城

齊水止地名

隰城在懷縣西南水經注卷九

二十有六年

夔子不祀

秭歸歸鄉水經注卷三十四

二十有八年

盟於宛濮

衛地也水經注卷八

三十年

今許君焦瑕

今河東解縣西南五里有故瑕城水經注卷六

三十有三年

及箕

箕城在陽邑南水北即陽邑縣故城也

過冀

今河東皮氏縣有冀亭古之冀國所都也並同上

文公

二年

盟于垂隴

垂隴鄭地今滎陽縣東二十里有故隴城卽此是

也水經注卷七 程大昌禹貢山川地理圖

十有一年

叔仲彭生會晉斨缺于承筐

今陳留襄邑西三十里有故承筐城水經注卷二十三

埋其首於周首之北門

今濟北所治盧子城故齊周首邑也水經注卷八

十有三年

季孫行父帥師城諸及郚

琅邪姑幕縣南四十里員亭故魯郚邑世變其字

非也水經注卷二十五

十有三年

邾文公卜遷于繹

地理志嶧山在鄒縣北繹邑之所依爲名也同上

十有七年

敗戎于邾垂

舊說云邾垂在高都南今上黨有高都縣水經注卷十五

宣公

元年

遇於北林

今滎陽苑陵縣有故林鄉在新鄭北故曰北林也

水經注卷二十二

二年

成王定鼎於郊廓

郊山名廓地邑也卜年定鼎為王之東都謂之新

邑是為王城其城東南名鼎門蓋九鼎所從入也

故謂是地為鼎中楚子伐陸渾之戎門鼎于此

水經

法卷十六

十有一年

盟於辰陵

潁川長平有故辰亭

水經注卷二十二

十有二年

戰於邲

邲在敖北

水經注卷七

同盟於清邱

在今東郡濮陽縣東南三十里

水經注卷三十

春秋左傳卷七十三

十姪嬖補校

成公

二年

盟于袁叟

濟南梁鄒縣有袁水

水經注卷八

將及華泉

華不注山下泉水也

水經注卷八

十有六年

楚師還及瑕

瑕楚地

水經注卷二十三

公自沙隨還待于郚

公羊作運字今東郡

廩邱縣東八十里有故運城

水經注卷二十四

襄公

三年

乃盟於郟外

今臨淄唯有濼水西北入沛卽地理志曰如水矣

郟如聲相似

水經注卷二十四 胡三省注卷四引無末句

十年

會吳于祖

祖宋地今彭城偃陽縣西北有祖水溝去偃陽八

十里

水經注卷二十八

十有一年

西濟于濟隧

濟隧鄭地也濟水滎澤中北流至恒雍西與出河

之濟會南去新鄭百

里水經注卷七禹貢山川地圖引首句

十有二年

師于楊梁

楊梁宋地矣今睢陽東南三十里有故楊梁今曰

陽亭也俗名之曰緣城非矣西北去梁國八十里

水經注卷三十

十有六年

戰于湛阪

昆陽縣北有蒲城蒲城北有湛水

水經注卷二十一

十有八年

齊侯禦諸平陰

平陰齊地名在濟北盧縣故城西南十里

水經注卷八

春秋左傳地名

士加環館補校

三十五卷七十六
塹防門而守之廣里

平陰城南有長城東至海西至濟河道所由名防
門於平陰三里齊侯塹防門卽此也其水引濟故
瀆尙存同今防門北有光里齊人言廣音與光同

上同

齊侯登巫山

巫山在平陰東北同上

焚申池之竹木

申門卽齊城南面西第一門矣爲申池水經注卷二十六

十有九年

取邾田自漵水

薛縣漵水首受蕃縣西注山陽陽陸水經注卷二十五

城武城

今泰山南武城縣有澹臺子羽豕縣人也水經注卷二十二

衛奔高唐以叛

本平原縣也齊之西鄙也水經注卷五

二十有三年

春秋地名

封少水

晉地矣少水今沁水也

水經注卷九

二十有六年

涉於汜而歸

汜城周襄王居之故曰襄城也今置關於其下

水經

注卷二十一

襲衛羊角

衛邑也今東郡廩丘縣南有羊角城

水經注卷二十四

遂襲我高魚

今魯邑也今廩丘東北有故高魚城俗謂之交魚

城謂羊角為角逐城

同上

昭公

四年

三塗

山名

水經注卷十五

五年

勞諸索氏

京縣有大索亭小索亭大小索氏兄弟居之故有

大小之號張守節史記正義李石續博物志卷一百二十六水經

注卷七引云京有小索亭世語以為兄弟居此故號小索者也

九年

以夷濮西田益之

以夷之濮西田益也水經注卷二十二

十有三年

及中人

今中山望都里二十里有故人城水經注卷十一

十有五年

圖鼓

白狄之別也下曲陽有鼓聚故鼓子國也水經注卷十

十有九年

若大城城父

城父周襄王居之因名襄城樂史太平寰宇記卷八

二十年

聊攝以東

聊城縣東北三十里有故攝城水經注卷五

二十有二年

劉子單子以王猛居于皇

訾城北三里有黃亭水經注卷十五

鄆勝伐皇

今鞏洛渡北有鄆谷水東入洛謂之下鄆故有上

鄆下鄆之名亦謂之北鄆於是有南鄆北鄆之稱

矣又有鄆城蓋周大夫鄆勝之舊邑

司徒醜以王師敗績于前城

今洛陽西南五十里伊闕前亭並同上

帥師軍于陰

陰溝出河為濟水經注卷三十三

二十有六年

守闕塞

伊闕在洛陽西南五十里通鑑音注卷五十八

二十有七年

與吳師遇于窮

今安豐有窮水北入淮水經注卷三十

及沙汭

楚東地水經注卷二十二

春秋上地名

十六 鄆城補校

二十有八年

魏成爲梗陽大夫

梗陽晉邑也今太原晉陽縣南六十里榆次界有

梗陽地

水經注卷六

三十年

逆吳公子使居養

養陰在襄城郟縣西南養水名也

水經注卷二十一

定公

元年

晉魏舒合諸侯之大夫于翟泉

今注疏本狄泉依水經注引土地名作翟

今太倉西南池水名翟泉舊說言翟泉本自在洛

陽北袁宏城周乃繞之

水經注卷十六

自小別至大別

大別漢東山名也在安豐縣南

徐堅初學記卷二十八

陳于柏舉

柏舉漢東地

水經注卷三十五

敗諸雍澁

水際及邊地名也今南陽清陽二縣之間清水之

濱有南澨北澨矣

水經注卷四十一

三十五卷八十一

六年

鄭於是乎伐馮滑晉靡負黍狐人闕外

負黍在潁川陽城西南二十七里世謂之黃城也

水經注卷

二十二

十有三年

築蛇淵囿

今濟北有蛇邱城城下有水魯囿也俗謂之濁須

水誤矣

水經注卷二十四

晉趙鞅入于晉陽以叛

晉太鹵太原太夏太墟晉陽太康六名其實一也

初學記卷八引春秋地名

哀公

元年

殺斟灌以伐斟鄩

地理志北海有斟縣故斟鄩國禹後西北去灌亭

九十里

水經注卷二十六鄭樵通志卷四十一引云斟尋去斟亭七里

二年

春秋上地名

大鄭媛館補校

登鐵上

鐵邱名也水經注卷五

四年

襲梁及霍

霍陽山在周平城東南水經注卷二十一

司馬起鄆析與戎狄今注疏本作豐析依水經引土地名作鄆

南鄉浙縣有故鄆鄉春秋所謂鄆析也於地理屬

宏農今屬南鄉水經注卷二十七

將通于少習以聽命

楚通土洛阨道也水經注卷二十
八年

齊人取謹及闡

岡縣西四十里有闡亭水經注卷二十四

十有四年

殺諸郭關

在廩邱城南水經注卷二十四

二十有七年

盟于平陽

昏火七也名

宣八年平陽東平陽也泰山有平陽縣此年平陽

西平陽也高平南有平陽縣也

孔穎達正義

